

semper, id est, ante omnes Patrum constitutiones, habuit primatum, ut dicitur actione 16. Concilij Chalcedonensis: & ^a [Ab Apostolorum, inquit Leo magnus, Principibus factum est, ut Roma gens esset sancta, populus electus, Ciuitasque sacerdotalis & regia, per sacram beati Petri sedem Caput orbis effecta, latius præsideret religione diuina, quàm dominatione terrena]

Quamuis autem penes hunc vnum Romanum Pontificem suprema lex esset, tres tamen ab initio Patriarchæ fuerunt, scilicet Romanus, Alexandrinus & Antiochenus, quorum sedes, essent Romæ, Alexandria & Antiochiæ, Apostolis ac imprimis D. Petro conueniens existimantibus, ut in tribus dignioribus maioribusque ciuitatibus, tres Protothroni seu primariæ sedes Ecclesiæ instituerentur. Harum Episcopis Patriarchæ nomen ex hoc inditum est, quod singuli *πατέρων ἀρχή*, siue familiarum & Ecclesiarum Christianarum patres seu principes essent, sicut patres familiarum Israëliti populi Patriarchæ dicti sunt, vel quod *τῶν πατέρων ἀρχή*, id est, patrum, seu Episcoporum Principes & Superiores essent: quomodo Ioannes Patriarcha Antiochenus princeps Orientis in actis Concilij Chalcedonensis vocatur.

Hi tres de omnibus maioris momenti negotijs intra Patriarchatus sui limites decernebant, ut patet in Canone magnæ Synodi Nicænæ, cuius verba sunt: ^c [Mos est in Ægypto, Libya & Pentapoli, ut Alexandrinus Episcopus horum omnium habeat potestatem, quoniam & Episcopo Romano est consuetudo, similiter & apud Antiochiam.] Sed aduerte quod licet hinc Canon non tam pro enumerandis Sedibus Patriarchalibus quam pro seruandis antiquis consuetudinibus editus fuerit, tres tamen in eo tantum designari Patriarchas: & ratio est quod reuera plures Concilij Nicæni tempore Ecclesia non agnouit, ijque soli hucusque instituti fuere.

Nec tamen diffitebor quod cum Ecclesia Hierosolymitana pro Matre Ecclesiarum habita sit, ut apud Theodoretum legere est, huius Antistitem & nomine & honore Patriarchæ ab Ecclesiæ incunabulis insignitum fuisse. Si dubites, certum probabo ex Canone septimo Concilij Nicæni, ^d in quo hæc habentur. [Quia consuetudo obtinuit & antiqua traditio, ut Eliæ Episcopus honoretur, habeat honoris consequentiam, salua Metropoli propria dignitate.] Sed iura priuilegiaque Patriarchalia, nonnisi in Concilio Chalcedonensi obtinuit, à quo tres Palestinæ huic pro diœcesi assignatæ sunt.

At postquam sedes Imperij, quæ ad Constantini magni tempora Romæ fuerat, translata est Bizantium, cui nomen Constantinopolis datū est in honorem istius Imperatoris, qui hanc iisdem priuilegijs ac Romam donauit, nouamque Romam appellari voluit, Constantinopolitanus Episcopus nomen & honorem Patriarchæ primum, ut probabiliter inferius conijciatur, obtinuit. Sed & ad modum Hierosolymitani auctoritatem accepit, iuraque nomini conuenientia à Patribus Concilij Constantinopolitani primi generalis, qui hunc, ut ex eorum Canone patet, non Patriarcham fecerunt, sed ei iam hoc honore donato secundum locum, necnon, ut vult Socrates, ^e Thraciam pro diœcesi assignarunt. Id Theodosio magno Imperante statutum est, & postea sub Marciano à Concilio Chalcedonensi non tantum confirmatum, sed etiam maxime auctum, Patribus huic præter Thraciam, Asiam, Pontum, Barbarasque prouincias subijcientibus hoc Canone, qui tot procellas posterioribus sæculis in Ecclesia excitauit. [Definitiones sanctorum Patrum sequentes vbique, & regulam quæ nunc relecta est centum quinquaginta Dei

^a Conc. Chalced. act. 16.

Η ἐκκλησία Ρώμης πάντοτε ἔσται πρῶτη.

^b Leo Mag. ser. in natali Apost. Petri & Pauli.

II.

DE TRIBVS PATRIARCHIS.

^c Concil. Nicæn. I. Can. 6.

Τὰ ἀρχαῖα ἐστὶν κρατίστερ, καὶ ἐν Αἰγύπτῳ, καὶ Λιβύῃ, καὶ Πενταπόλει, ὥστε καὶ Ἀλεξανδρείας ἐπισκοπὴν πάντων τῶν ἐκεῖθεν ἔχουσιν, ἐπειδὴ καὶ τὸ ἐν τῇ Ρώμῃ ἐπισκόπου τὸ οὐνὸς ἐστίν, ὁμοίως δὲ καὶ τῇ Ἀντιόχειαν.

III.

DE PATRIARCHA HIEROSOLYMITANO.

Επειδὴ συνήθεια καὶ ἐκείνη καὶ παλαιὸς ἀρχαῖα, ὥστε καὶ ἐν Αἰλίᾳ ἐπισκοπὴν πρῶτην, ἔχον τὴν εἰκοσιδικίαν τῶν ἐκείθεν, καὶ τῇ μισθοπόλει σωζομένη τὸ οἶκόν ἐξείμαρτος.

IV.

DE PATRIARCHA CONSTANTINOPOLITANO.

^e Socrates lib. 5. cap. 10.